

حقوقى بىلىپلەر مجموعهسى

هر آيك اون بىشده نشر اولتور

JURISPRUDENCE

اجتهادات محاکمه

آلاشهر حقوق محکمه سنده :

اساس ۲۳۷ . قرار ۲۵۵

موضوع — قانون مدنیك صورت مرعیت وشكل تطبیقنه دائر قانونك ۴۱ نجی ماده سنده عجز بش سندن فضله مرور زمانك تكملی قانون مذكورك مرعیت تاریخندن اعتباراً ایکی سنهك یکمه سیله قید ایدلش ایسه قید مذكور اسقاطی مرور زمانله منحصر اولوب تطبیقات قانونك یكرمنجی ماده سنده مخرج اكتسابی مرور زمانله شمولی یوقدر. آلاشهر حقوق محکمه سندن صادر اولوب محکمه تمیزجه تصدیق ایدیلن قرار بونی مؤیددر.

اوقاف اداره سینه اضافله مأموری صائم بك طرفندن خزینة مالیه علیهنه اقامه اولنان منع مداخله دعواسنك جریان ایدن وجاهی محاکمه بی نتیجه سنده: مدعی اوقاف مأموری صائم بك آلاشهرده شیخ سنان وقفندن چتال تپه موقعنده كائن شرقاً خاص اغایی زاده مصطفی افندی ترلاسی، غرباً قوزیجی اوغلی احمد افندی ترلاسی، شمالاً مرعی، جنوباً اینه كول جاده سی یتیمش دونم ترلا وینه چتال تپه موقعنده شرقاً جوف زوجهی ونعلبند محمد علی زوجهی وکوللی اوغلان اوغلی علی غالب باغلری وکرسته جی زاده مصطفی افندی ترلاسی وغرباً صاحب سند وقف ترلاسی وشمالاً قوغلق مرعی وهزن اوغلی ترلاسی وجنوباً اینه كول یولنده آلتیش دونم وینه موقع مذكوره شرقاً صاحب سند وقف ترلاسی، غرباً بیکباشی زاده محمد واحمد افندیلر، شمالاً هزن اوغلی وموطاف حسین وره لری، جنوباً یول برقطعه ده اون دونم ترلا وینه چتال تپه وصاری قیز موقعنده شرقاً جای وکوپری، غرباً رائف باغی ویول، شمالاً اینه كول جاده سی، جنوباً بربر احمد وره لری وقیمما اموال متروکدن کوندی اوغلی ترلاسی وقیمما جای برقطعه ده یتیمش دونم وینه دره باغ موقعده شرقاً اموال متروکه ترلاسی اوبیق اوغلی باغی، غرباً حاجی طومبول اوغلی محمد وره سی باغی، شمالاً یول، جنوباً حاجی طومبول اوغلی محمد وره لری ایله محدود اوچ دونم ترلاره اوقاف اداره سی یتیمش سینه بی متجاوز برزماندنبری تصرف وزراعت ایتمکده ایکن بودفعه خزینة مالیه مداخله ایتمکده اولدینی

جهتله مداخله واقعه‌ك منعی و مذکور ترلار مرور زمان حدینه بالغ بر زماندنبیری مالك صفتيله فاصله‌سز و نزاعسز بلاسند اوقاف اداره‌سك تحت تصرفده اولدیغندن بحثله اداره نامه طاپوجه تسجیلنی طلب ایتشد. ادعاسنی مالیه‌ك ویركوقیدی و طاپوسندی استحصالی ایچون معاملات ابتدائی و هیئت اختیاریه شهادتنامه‌سی و شهود شخصیه‌ایله اثبات ایدجكنی بیان و وثائق ابراز و شهودی اقامه و استماع ایتدیرمشدر.

مدعی علیه خزینه مالیه و کلی حدود و اوصافی محرم مدعی به ترلارك ویركویه اوقاف اداره‌سی نامه قیدلری ۱۹۲۶ سنه‌سند اجرا ایدلمسندن مقدم قیودات محترق اولدیغنی جهتله داها مقدم قید اولوب اولمادیغنی مجهول بولسیدیغندن مؤخر قیدی اولان ۹۲۶ سنه‌سندن اعتباراً مرور زمان حدینه بالغ بر مدت اوقاف اداره‌سك تحت تصرفده اولدیغنه دائر برقیده تصادف ایديله مه‌مسندن خزینه به طائد اهلسی ایجاب ایدجكنی و طاپو قومسیونجه خزینه‌ك وضع یدایتمی اشعار اولونمسیله مداخله ایتمكده اولدیغنی و بناء علیه ویركو دائره‌سند اليوم موجود اولان قید تاریخی ۹۲۶ سنه‌سی اولمسندن اوقاف اداره‌سك مرور زمانه استناداً تصرف ادعاسنی دوغری اوله میه‌جغنی بیان و دعوائك ردنی طلب ایتشد. طرفینك ادعا و مدافعه‌لری تدقیق ایدلدی؛ مدعی به ترلار درت بش بوز سنه مقدم وفات ایدن شیخ سنان نام ذاك اليوم مدفون بولدیغنی ینه او نام ایله توسیم اولنان آثار عتیقه‌دن تربسی یاننده کی شیخ سنان جامع شرفنك مصارفه فارشی بر واردات اولوق اوزره مرور زمانله واقفی مجهول قالان احباب خیردن ارسلان طرفندن مذکور جامعه وقف ایدلیکی و قدیماً مضبوط اصول اولماسندن یتیم و سكسان سنه‌بی متجاوز و بلکه داها اسکی بر زماندنبیری مالك صفتيله فاصله‌سز و نزاعسز اوقاف اداره‌سك بلاسند تحت تصرفده بولدیغنی و سنه بسنه ایجاره ویرلك صورتيله اداره مذکوره طرفندن اداره ایديله لككده اولدیغنی؛ مدعی به ترلارك طاپویه ربطی خصوصنده تنظیم قلنان هیئت اختیاریه و معاملات ابتدائی شهادتنامه مفادی و اونی مؤید طاپو مأمورلنك تنظیم ایتدیکی راپور مندرجاتندن و محلفاً معلوماتلرینه مراجعت اولنان شهود معتبره‌ك اخبار اتسندن و حالاً طاپویه مربوط اولمادیغنی ده طاپو مأمورلنك قیده‌مسند اشعارندن آكلاشلمشدر. ویركو دائره‌سك قیوداتی محترق اولمسیله اخیراً ۹۲۶ سنه‌سند مدعی به ترلارك ینه اوقاف اداره‌سی نامه ویركو قیدلریك اجرا ایدلسی داها مقدم قیدك مفقودیتنی افهام

ایده می‌جکی کی مؤخر بر تاریخ ایله ویرکو دائرہ سنہ قید ایدلسی دائرہ مذکورہ مک
مرور زمانه اکتساب ایتدیکی حق تصرفی اسقاط و رفع ایده می‌جکندن مؤخر
ویرکو دائرہ سنہ پایلان معامله قیدیہ خزینہ بر حق مداخله اکتساب ایتدیرمز .
طابوہ تسجیلی جهته کنجہ : طابو سجنده مقید اولیان بر غیر منقول نزاعسز
وفاصله سز یکر می سنه مالک صفتیله یدنده بولوندیرانلره اوغیر منقولی کندی ملکی اومق
اوزره تسجیل طلبنده بولونمسی قانون مدینک ۶۳۹ نجی ماده سنک احکام صریحه سی
ایجابندیر . مدعی اوقاف اداره سی مدعاہ ترالاری قانوناً معین اولان مرور زمانه بالغ
بر مدت مدیده مالک صفتیله بولوندیردینی مذکور ترالارک طابو سجنده اولمادیگی
مارالیان صفحات محاکمه ایله آکلاشلمشدر .

قانون مدینک صورت مرعیت وشکل تطبیقه دائر قانونک ۴۱ نجی ماده سنده بش
سنه دن فضله قانون مدینک قبول ایتدیکی مرور زمانلرک تکمیلی ایچون قانون مذکورک
مرعیت تاریخندن اعتباراً ایکی سنه نک کچمه سیله تقیید ایدلس ایسه ده قید مذکور
اسقاطی مرور زمانلره منحصر اولوب مدعینک اکتساب ایتدیکی حق مکتسی اولان مرور
زمانه شمولی یوقدر . مدعینک اسناد ایتدیکی اکتسابی مرور زمان مذکور تطبیقات
قانونک یکر منجی ماده سیله قبول واحکامی یکی قانونه تابع بولوندینی تصریح ایدلمشدر .

بناءً علیه خزینہ نک مداخله سی غیر وارد بولونمغله منعه وموقع وحدود و اوصافی
مقرر آلتی قطعه ترانک اوقاف اداره سی نامه تسجیلنه ومصارف محاکمه نک مدعی علیه
عائیتنه قابل تمیز اومق اوزره ۱۵ اغستوس سنه ۹۲۷ تاریخنده وجاهاً قرار ویریلرک
اصولاً تفهیم قلندی .



حکم تمیز ایکنجی صفوہ دائرہ سنده :

قرار تاریخی : ۳۱ کانون ثانی ۹۲۸

۵۸۶
۴۳۶

قرار نومروسی :

مدعی اوقاف اداره سی نامه مأموری صائم بک طرفندن معلوم الحدود والموقع آلتی
قطعه ترانک اوقاف اداره سنک یتش سنه بی متجاوز بر زماندن برو تصرف وزراعتند
ایکن بو دفعه مدعی علیه خزینہ مالیه طرفندن مداخله ایدلمکده اولدینندن مداخله

واقعہ سنک منعیہ اوقاف ادارہ سی نامہ طاہوجہ تسلیمہ قرار اعطاسی طلیسہ ادارہ مذکورہ علیہ اقامہ اولان دعوانک وجاہاً جاری محاکمہ نتیجہ سندہ طرفینک ادما ومدفاعاتی مدعابہ ترالار شیخ سنان نام ذاتک مدفون بولوندینی تربہ سی یانندہ کی شیخ سنان جامع شریفنک مصارفاتہ قارشی واردات اولہرق مرور وزمانہ وقفی مجھول اصحاب خیرات طرفندن جامع شریف مذکورہ وقف ایدلہکی وقیدماً مضبوط اولہرق یتیم سنہ بی متجاوز زماندنبری فاصلہ سز و نزاعسز اوقاف ادارہ سنک بلا سند تحت تصرفندہ وسنوی ایجارہ ویرلک صورتیسلہ ادارہ مذکورہ طرفندن ادارہ ایدیلہ لککدہ اولدینی مدعابہ ترالارک طاہویہ ربطی خصوصندہ تنظیم قلنان ہیئت اختیاریہ شہادتنامہ مفادی واونی مؤید طاہو مأمورلنک تنظیم ایدلہکی راپور مندرجاتندن و شہود محلفہ معتبرنک اخباراتندن وحالاً طاہویہ مربوط اولدینی طاہو مأمورلنک قیدہ مستند اشعارندن آکلاشلمنہ ویرکو دائرہ سنک قیوداتی محترق اولمسیلہ ۹۲۶ سنہ سندہ مدعابہ ترالارک ینہ اوقاف ادارہ سی نامہ ویرکو قیدلرینک اجرا ایدلمسہ و طاہوجہ مقید اولمیان بر غیر منقولی نزاعسز و فاصلہ سز یکرمی سنہ مالک صفتیلہ یدندہ بولوندرانلرہ غیر منقولی کندی ملکی اولوق اوزرہ تسجیل طلبندہ بولنسی قانون مدیننک ۶۳۹ نجی مادہ سی احکامندن بولنسنہ مبنی مدعی اوقاف ادارہ سی مدعابہ ترالاری قانوناً معین اولان مرور زمانہ بالغ بر مدت مدیدہ مالک صفتیلہ بولوندردینی ومذکور ترالارک طاہو سچلندہ مقید اولدینی صفحات محاکمہ ایلہ آکلاشلمش اولدیغندن وقانون مدیننک صورت مرعیت وتطبیقنہ دائر قانونک ۴۱ نجی مادہ سندہ بش سنہ دن فضلہ قانون مدیننک قبول ایدلہکی مرور زمانلرک تکمیلی ایچون قانون مذکورک مرعیت تاریخندن اعتباراً ایکی سنہنک یکمسیلہ تقیید ایدلمش ایسہ قیدمذکور اسقاطی مرور زمانلرہ منحصر اولوب مدعینک اکتساب ایدلہکی حق مکتسبی اولان مرور زمانہ شمولی اولیوب مدعینک استناد ایدلہکی اکتسابی مرور زمان مذکور تطبیقات قانوننک یکرمنجی مادہ سیلہ قبول واحکامی یکی قانونہ تابع بولوندینی تصریح ایدلمشدر . بناء علیہ خزینہنک مداخلہ سی غیر وارد بولونمغلہ منعہ ومدعابہ آلتی قطعہ ترالانک اوقاف ادارہ سی نامہ طاہوجہ تسجیلنہ دائر آشہر حقوق حاکمکندن صادر اولان ۱۵ اغستوس سنہ ۹۲۷ تاریخ و ۲۴۷
۲۵۵ نومرولواعلامک مدت قانونیہ سی ظرفندہ تمیزاً ندیقی خزینہ وکیلی حسین فخری

بك طرفندن با استدعانا مه طلب اولونمغله متفقاً بالقبول اعلام مميزه لايحه تميزيه و سائر اوراق متفرعه سيله برلشديريلهرك بعدالمطالعه تدقيقات تميزيه اجرا و ايجابي مذاكره اولوندقده: صورت جريان محاكمه نظراً محل مذكور من القديم وقف اولوق اوزره اوقاف اداره سنك يد تصرفنده اولديني شهادتله ثابت اولسنه مبنی لايحه تميزيه محتوياتي غير وارد اولديغندن رديله موافق اصول و قانون اولان حكم مميزه مذكورك حقوق اصول محاكمه لری قانونك ۴۳۸ نجی ماده سی موجبجه تصدیقنه و بوجه زیر مصارف تمیزیه نك مستدعی تمیزه عائدیتنه ۳۱ كانون ثانی ۹۲۸ تاریخنده متفقاً قرار ویریلهرك اوراق وارده قهرعاتيله برلكده محلی حقوق حاكلكنه اطاده قلندی.

حكم تمیز برنجی حقوق دائره سنده:

ماده ۱: — اجازه مضافه دعواسی مسبق اولديني حاله فی الحال بویه بدعوی اولادینندن بالبحث اتخاذ قراره محل اولادیننه حكم ویرلسی

۲ — مستأجر لرك يكديكرینه كقیل اولدقلى مقاولده مذکور بولنديني حاله حين حكمده بو جهتك نظر اعتباره آلتامسی اصول و قانونه مغایر اولدینندن مستلزم نقضدر.

يعقوب حلمی بكك ابراهيم و شريف بكاره بامقاوله نامه 'اوج سنه مدتله ايجار ايتديكي خاراخانه ايله مشتملا تندن اولان عرصه نك ۱ كانون ثانی ۹۲۶ تاریخندن ۱ تموز ۹۲۶ تاریخنه قدر بدل ايجاری اولان يوز قرق لیرانك تحصيلی و ختام مدت مبنی مأجورك تخلیه سنی و حين تخلیه قدر اجازه مضافه سنی و انقضای مدتدن صكره اجراسی درعهده ایدیلن تعمیرات ایچون اوجیوز لیرانك تحت حكمه آلتسنی طلب و دعوی الیسی اوزرینه اجرا قلنان محاكمه نتیجه سنده مدعی علیهانك قبول ایتدكلى مقاوله نامه مفادینه نظراً مدت اجازه ختام بولمش اولسنه و مدعی علیهانك ختام مدتله اضافه بعض تعهداتده بولنوب آنك عدم ایفای حالده تضمینات اعطاسی قبول ایتدكلى مقاوله نامه مذکور مألندن مستفاد اولسنه واشبو تعمیراتك ايكیوز سكسان یدی لیرا اون آلتی غروش ايله اجرا ایديله چكى كشفاً آكلاشدسنه و اجازه مضافهده یومی ايكیوز غروش اوله رق تعهد ایدلش بولنسنه بناء یدی آیلوق اجر مسمى اولان يوز قرق لیرا ايله تعمیرات مصرفی ايكیوز

سکسان یدی لیرا اون آلتی غروشک واجاره مضافهک بالغ اولدینی یوز آلتش سکر
لیرانک تحصیلنه دائر صدور ایدن حکم غیابییه عدم قناعتله وقوع بولان اعتراض الحکم
دعواسنک وظیفه قراریله محکمہ اصلیه برنجی تجارت دائرہ سنه دوری اوزربنه حکم غیابی
مذکور کآن لم یکن عد ایدلکدن صکره جاری محاکمه مدعی علیهک مأجوری
بر موجب مقاوله تحت اشغاللرنده بولوندر دقلری آکلاشلسمنه و شاعل فضولیر علیه
اقامه ایدلکلری دعوانک مال صاحبندن تلقی ایتدکلری حق تصرفه مستند اولسی حسیله
فسخ عقد حقندهکی دفع تناقض تشکیل ایلدیکنه و ۱ تموز ۹۲۶ تاریخه قدر اشغالک
تحت اعترافده بولنسنه مبنی یدی آلیق بدل ایجارله ایکوز سکسان یدی لیرا اون آلتی
غروش تعمیر مصارفک مدعی علیهن بالتحصیل مدعییه اعطاسنه و ایام متأخریه عائد
بدل ایجار طلبی حقندهکی فی الحال بردعوی مسبوق اولمادیغنه مبنی بو بایده اتخاذ قراره
محل اولمادیغنه دائر استانبول محکمہ اصلیه برنجی تجارت دائرہ سندن اعطا قلنان ۱۴ نisan سنه
۹۲۷ تاریخلی ۳۹۰ نومرولو اعلامک تمیزاً تدقیقی اصوله توفیقاً طرفین جانبندن استعما
قلمغله اعلام مذکور اوراق تمیزیه و حکمیه ایله معاً تدقیق و مطالعه و ایجاب کیفیت
مذاکره اولندقدده شاعل فضولیر علیه ابنه و عرصه بی اشغالدن دولای مدعی علیهما
طرفلرندن تخلیه و اجر مسمی دعواسی اقامه اولنهرق اجر مثل دعواسی آتییه تعلیق
و تخلیه حقنده حکم ایستمش اولمارینه و شوصورتله مأجورک اشغالی دولایسیله حق فسخی
استعمال ایتمهش اولدقلری مستبان بولندیغنه و محاکمه مسبوق اعتراضلرینه کوره ابراهیم
ادهم و شریف بکله مأجورک مقصوب اولسی حسیله متبای اجر مسمی لازم کله جکته
متدائر اعتراضلری غیر وارد اولدینی کبی ایکنجی حقوق محکمه سنجه اجرا قلنان
کشفنامه مفادینده اعتراض ایتمهش اولمارینه و تعمیرات مصرفی مقاوله نامهده مندرج
بولندیغنه نظراً تعمیرات حقنده مقاوله نامهده صریح تعهدلری اولمادیغنه و کشفک یکیدن
اجراسی لازم کلدیکنه دائر اعتراضلریده شایان قبول بولندیغنه مبنی بو جهاته معطوف
اعتراضات تمیزیه دخی شایان التفات کوریله مهش اینسهده آنجق اجاره مضافه دعواسی
مسبوق اولدینی حالده فی الحال بویه بردعوی موجود اولمادیغندن بالبحث اتخاذ قراره
محل اولمادیغنه قرار اعطاسی و مقاوله نامهده مستأجرلرک یکدیگرینه کفیل اولدقلری مذکور
بولندیغنی حالده حین حکمده بوجهتک نظر اعتباره آلتامسی مخالف اصول و یعقوب حلمی

بلك لايجه سنده بوجهتله متدائر اولان اعتراضات وارد اولديغندن حقوق اصول محاكمه لرى قانونك درتوز يكرمى سكرتجى ماده سى موجبجه حكم ميزهك ايكي سبيدن طولايي نقضه ۹ شباط ۹۲۸ تاريخنده متفقاً قرار وىرلدى .

محكمه تميز ايكنجى جزا دائره سنده :

عدد : ۱۰۷۳۳ ، ۱۷۶

ماده ۱ — دعوايينك مظلون عليهمادن برينه تجاوزات لسانيه وحقارتده بولنديغنى شاهدرل طرفندن افاده ايدلديكي حالده بونك دوغوراجنى قانونى نتيجه لرك دوشولمى .
۲ — مظلون عليهمادن برينك حركتنده افترا جرمى عنصرلرينك تماماً موجود اولديغنى قانونى موضوع وجزايى دستورله توفيقاً ايضاح اولونماسى يولسز ومستلزم نقضدر .

افترا وحقارت ماده لرندن مظلون عليهما منور وملاحت خانملرك بالحاكه بونلردن منور خانمك اون بش كون مدتله حبسنه وملاحت خانمك ده اون كون حبس وپوز ليرا ضرر معنوى ايله محكوميتلرينه دائر حكم غياييك عندالاعتراض تصديقى وحقارنده كي حبس جزا لرينك خانملرنده انفاذيني متضمن استانبول محكمه اصليه سى ايكنجى جزا دائره سندن صادر اولان ۲۸ مارت ۹۲۷ تاريخلى قرارك تميزاً تدقيقى محكوم عليهما وكيلى عبدالكريم بك طرفندن مدتى طرفنده استدعا وشرائطى ايفا اولمغله بالقبول تدقيقات تميزيه اجرا اولندقدده هر نه قدر تبليغنامه ده مذكور حكمك تصديقى طلب ايدلسكده ايسه ده دعواجى فخرى بلك دخى ملاحت خانمه تجاوزات لسانيه وحقارتده بولنديغنى شاهدرلردن يوسف چاوش وهدريه خانملر طرفندن افاده ايدلديكي حالده بونك دوغوراجنى قانونى نتيجه لرك دوشولمى ومنور خانمك حركتنده افترا جرمك عنصرلرينك تماماً موجود اولديغنى قانونى موضوع وجزايى دستورله توفيقاً ايضاح اولونماسى يولسز كورلش وبو اعتبار ايله تميزاً مسرود اعتراضلر وارد بولنش اولديغندن ميزه به حكمك نقضه واوراقلك محله وتميز جزايى تقديرلرينك صاحبلىرينه اعاده سنه ودرت يوز غروش تميز اعلامى خرجك ايلروده حقسنز چيغه جق طرفدن تحصيلنه ۵ كانون ثانى ۹۲۸ تاريخنده متفقاً قرار وىرلدى .

محکمہ تمیز برنجی حقوہ دائرہ مندرہ :

۵۷۷۳

۶۱۶۶

- مدرسہ : ۱ —** مدعی علیک تجارت اوطنہ سنہ و ردیکی بیاننامہ دہ کی امضای مدار تطبیق اتخاذ اولہ منہ .
- ۲ —** مدعی وکیل مدار تطبیق اوراق ابرازندن صورت قطعہ دہ اظهار عجز ایتہ دیکی و اظهار عجز ایتہ بیلہ درجہ ثانیہ دہ مدعی علیک استکنتای بر امر قانونیدر .
- ۳ —** استکتاب نتیجہ سنہ دہ منکر سنہ زیرندہ کی امضای مدعی علیک اولدینی آکلاشیہ منہ مدعی علیہ عین تکلیفہ مدعیہ حق قانونی وادرد .
- ۴ —** بو نقطہ نظر اعتبارہ آلتقزین مدار تطبیق اوراق ابراز ایدلہ مدیکندن ناشی دعوانک ردینہ قرار ویرلی وولز و مستلزم تقضدر .

غلطہ دہ قرہ کویدہ دائرہ مخصوصندہ مقیم باقہ قومرجیالہ نک بوغاز ایچندہ آرناوود کویندن بویاجی سوقاغندہ ۳۶ نومروودہ مقیم مرغوب هوپان افندی شرکتی ایلہ جرائطہ غلطہ دہ مقیم آسیا صنایع و تجارت آنونیم شرکتی ذمتندہ کفالت متسلسلہ ایلہ با سند آلاجی اولان آلتی یوز انکلیز لیراسنک بالاصالہ و بالکفاله مومی الہ مرغوب هوپان شرکتی ایلہ اعضای مسئولہ سندن تحصیلی حقندہ اقامہ اولان دعوانک اجر اقلان محاکمہ سی نتیجہ سنہ مدعی باقہ دفعاتہ منکر سنہ زیرندہ کی امضای تطبیقہ مدار اولہ بیلہ جک اوراق ابرازی ایچون مهلت ویرلدیکی حالہ ابراز ایتہ مش اولدیفندن ابراز اولدینی تقدیردہ اقامہ دعوادہ مختار اولق اوزرہ دعوای مقامہ نک ردینہ متدائر استانبول محکمہ اصلہ برنجی تجارت دائرہ سندن صادر اولان ۱۷ مارت ۹۲۷ تاریخ و ۱۴۷ نومرولو اعلامک مراجعہ علیہ صورتیلہ تمیزاً تدقیق مذکور باقہ نک با سند مصدق وکیل آووقات یشوفا افندی طرفندن طلب واستدعا اولمغلہ تعیین اولان کوندہ وکیل مومی الہ ککش ایسہ دہ تبلیغات واقعہ رغماً تمیز علیہ آغوب افندی کلامش و وکیل دخی کوندراماش اولدیفندن غیابندہ تدقیقات تمیزہ اجراسنہ قرار ویریلہ رک لدی التدقیق معطی تمیز عرضحالک مدت قانونیہ ظرفہ ویرلدیکی و شرائط لازمیہ ایفا قلندینی آکلاشلغلہ وکیل مومی الہک ایضاحات شفاهیہ سی استماع واوراق حکمیہ و تمیزہ مطالعہ و تدقیق اولندقدن صکرہ ایجاب کیفیت مذاکرہ اولندقدہ : محکمہ جہ مدعی علیک تجارت اوطنہ سنہ و ردیکی بیاننامہ دہ کی امضای الحقیقہ قانوناً مقیاس تطبیق اولہ میہ جنی جہتلہ اولبابدہ

ویریلان اهل وقوف واپورسك ابطالنه محكمه جه قرار ویرلد كدن سكره مدعی و كیلی منكر سند زیرنده کی امضاك تطبیقه مدار اوله بیله جك اوراق سائر ابرازندن صورت قطعیه ده اظهار عجز ایتدیکی و اظهار عجز ایتسه بیله درجه ثانیه ده مدعی علیه استکتابی بر امر قانونی اولوب لدی الاستکتاب منكر سند زیرنده کی امضا مدعی علیه اولدینی اولدینی آكلاشیله مازسه مدعی علیه یمن تکلیفی مدعینك حق قانونیسی بولندی حاله محكمه جه بوقطه نظر اعتباره آلمیره، مجرد مدعینك مکرراً امهال ایدلمشكن مدار تطبیق اوراق ابراز ایدمديكندن بالبحث دعوانك ردینه قرار ویرمسی مخالف قانون اولدیفندن اصول محاکمه حقوقیه قانونسك ۲۳۲نجی ماده سی موجبجه حکم میزبهك اسباب مذکوردهن طولای قضضنه ۱ تشرین ثانی سنه ۹۲۷ تاریخده متفقاً قرار ویرلمشدر.

محكمه تمیز برنجی مقروض دائره سندیه:

عدد ۳۷۰ ، ۷۵۵۶
۶۶۷۷

مقدمه : ۱ — طرفین آرسنده حسابی ناطق ومدعی طرفندن مضی اولوب مبرز بوضله ده کی مبلغ مدعا به حسابات میاننده داخل اولوب اولادینك
۲ — ومدعی علیه وکیلنك مدعی به تسلیاتی بولونديفنه دائر دفنك تدقیق ایدلامسی یولیزومستلزم نقضدر.
اون قباننده جوابات تجارندن خلیل افندینك بك اوغلنده نشان طاشنده مشروطیت محله سند حاجی منصور سواقاغنده آرباجی سالم اغا ذمتنده مطلوبی بولنان سكریزوز كسور لیراك تحصیلی و هجزموضوعك تصدیقی طلیله اقامه ایلدیکی دعوانك اجراقلنان محاکمه سی نتیجه سند مدعینك مدعی علیه ذمتنده آلاجنی اولان و محاسب راپوریه تحقق ایدن درت یوز تیشیدی لیرا طقسان یدی غروشك تاریخ استدعادن اعتباراً مع فائض نظامی مدعی علیه تحصیلنه ومدعینك زیاده ادعاسنك ردینه و هجزموضوعك مبلغ مذکور اوزرندن تصدیقه متدائر استانبول محكمه اصلیه سی برنجی تجارت دائره سندندن صادر اولان ۲۴ نیشان سنه ۹۲۷ تاریخ ۱۸۹ عدلی اعلامك تمیزاً تدقیقی طرفین جانبندن اصولی دائره سند استدعا اولنغله مذکور اعلام اوراق تمیزیه و حکمیه ايله معاً بالمطالعه ایجاب

کیفیت مذاکره اولندقده مبرز ۲۴ تشرین ثانی سنه ۳۴۱ تاریخلی ابرانامهده تاریخ مذکور قدر مدعی علیک ذمتی ابرای عام ایله ابرا ایدلمش اولسنه و مبرز دفترک یکنوی اولان سکر یوز سکسان بر لیرا میانه عین تاریخه قدر اولان حساباتندن ده اوچیوز ایکی لیرا ادخال ایدلدیکی آکلاشلمسنه مبنی مدعی طرفندن تمیزاً درمیان اولنان اعتراضات غیر وارد اولدیغندن ردینه و بوقسمه عائد مصارف تمیزیه نیک مومی الیه عائدیتنه و مدعی علیک تمیزینه کلنجه مذکور دفتر زیرنده کی مهر موکلنک اولدینی و کیلی اقرار ایتمش اولسنه و حجز احتیاطی حقنده محکمهجه اتخاذ اولنان قراره مخالفت ایدیلهرک مؤکلنه عائد اولیان ایکی آراهه ایله ایکی رأس یوک حیواننک حجز ایدلمش اولدیغنه دائر اولان ادعاسی ایسه محجوز مذکور هر کیملک مالی ایسه بالاستحقاق دعوی ایدیله بیله جگنه مبنی بوجهتیره تمس ایدن اعتراضات تمیزیه وارد دکلسده طرفین آرسسده یوز سکسان درت لیرا لقی حسابی ناطق و مدعی طرفندن ممضی اولان مبرز پوصله ده کی مبلغ مدطابه حسابات میاننده داخل اولوب اولمادیغنسک و مدعی علیه و کیلنک اشبو پوصله تاریخندن صکره موکلکی طرفندن مدعی به یتش لیرا تسلیماتی بولندیغنه متدائر اولان دفعنک تدقیقی مقتضی ایکن بوندن دخی ذهول ایدلسی مخالف قانون اولندیغندن حقوق اصول محاکمه لری قانوننک ۴۲۸ نجی ماده سننک فقره مخصوصه سی موجبجه حکم میز بهک اسباب مذکورهدن طولانی نقضنه ۳۱ تشرین ثانی سنه ۹۲۷ تاریخنده متفقاً قرار ویرمشدر.

محکمہ تمیز برنجی حقوق داره سندره :

۷۷۵۸
۷۴۳۸

مبرزه : — بر دعوانک رؤیتی اتانسنده کندی امضاسندن عاری و دیگر مدعی علیه عائد مبرز ایکی قطعه سننک محکمہ اصلیه قلمنجه استنساخ ایدیلوب دوسیه سنه وضع ایدیلن صورتلرندن خلاف واقع امضانک یازلمش اولسی حکمک تدقیقات تمیزیه سنده بر ذهولک وقوعه و خلاف حقیقت اولدینی متظاهر بر سنده مستنداً حکم صدورینه سببیت ویرمش وشو حال و کیفیت قانوناً اعاده محاکمه مستلزم بولمشدر. یوکا مخالف اولارق اعاده محاکمه متدائر اقامه اولنان دعوانک ردینه قرار ویرلسی یولیز و نقضی موجبدر. محمد ذکی بک طرفندن اقامه اولنان دعوانک رؤیتی اتانسنده زیرنده امضاسی موجود اولیان بر سننک محکمہ تمیزه برای ارسال استنساخ اولنان صورتنده دیگر مضایلر ایله

برلکده محضا مدعی علیه اولسندن متولد بر سهو نتیجه سنده کندی امضاسی ده موجود کبی
 کوسترلش اولسندن طولای مجموع دین اولان بیک لیرادن ثلثی ایله محکومیتی اوزربنه
 قوم قبو مرکز مأموری محمود رستم بک طرفندن اعطا ایدیلان اعاده محاکمه استداسنک
 اسباب اعاده دن هیچ برینه مستند اولمادیغندن طولای ردینه دائر استانبول محکمه اصلیه برنجی
 تجارت دائره سندن صادر اولان ۱۷ حزران سنه ۹۲۶ تاریخلی و ۲۷۴ نومرولو اعلامک
 ایضاحات شفاهیه اخذی صورتیله تمیزاً تدقیقی مومی الیه محمود رستم بک طرفندن طلب
 واستدا اولغله یوم معینه میز محمود رستم بک نامنه و کیلی عبدالقادر و میز علیه ذکی
 بک نامنه و کیلی سانج بکدر و کالتامه لرینه استناداً دائره بکلوب مدت و شرائط حقنده
 دیه جکی صوریلان میز علیه و کیلی بو بایده بر دیه جکی اولمادیغنی افاده ایدوب بالتدقیق
 تمیز استداسنک مدت قانونیه سی ظرفنده اعطا و شرائط لازمهی ایفا قلندیغنی آکلا شلمغله
 حاضر بولنان طرفین وکیللرینک لایحه لری مندرجاتنه دائر ایضاحات شفاهیه لری استماع
 اولندقدن صکره وقتک عدم مساعدنه بناءً تدقیقات لازمه اجرا سیله قرار اتخادی وقت
 آخره تعلیق اولمشدر. یوم آخرده بو بایده کی اوراق دعوی و تمیزیه بالتدقیق ایجاب
 کیفیت مذاکره اولندقدنه: اعاده محاکمه طلبنده بولنان محمود رستم بکله رفقاسی علیه
 ذکی بک طرفندن اقامه اولنان دعوانک رؤیتی اتاسنده محمود رستم بکک امضاسندن
 حاری و دیگر مدعی علیه لره عائد مبرز ایکی قطعه سندک محکمه اصلیه قلمنبجه استساح
 ایدیلوب دوسیه سنه وضع ایدیلان صورتلرندن خلاف واقع اوله رق مدعی مومی الیه کده
 امضاسنک تحریر ایدلش اولسی صادر اولان حکمک تدقیقات تمیزیه سی صره سنده بارز
 بر ذهولک وقوعنه و بناءً علیه خلاف حقیقت اولدیغنی متظاهر بر سنده مستنداً بر حکم
 صدورینه سببیت و یرمیش رشو حال قانوناً اعاده محاکمهی مستلزم اسباب قانونیه دن معدود
 بولنش ایکن محکمه ججه اسباب اعاده دن هیچ برینه مستند اولمادیغندن بخله بوجه محرر رد
 دعوایه قرار ویرلسی مخالف قانون و لایحه تمیزیه ده بو خصوصه متعلق سرداولنان اعتراض
 وارد اولدیغندن حقوق اصول محاکمه لری قانوننک ۴۲۸ نجی ماده سی موجبنه حکم
 میز بهک بو سبیدن نقضه و مقتضای قانونیسی ایفا ایدلک اوزره اورا قنک محله اعاده سنه
 ۲۳ کانون اول سنه ۹۲۷ تاریخنده متفقاً قرار ویرلدی.

حکومت تمیز برنجی حقوق دأرہ مندرہ :

عدد ۵۸۵ ۱۰۱۳۹
۶۷۷۸

مقدمہ : — منتظم پساپورٹ ایله اوروپايہ عزیمت وعودت ایدنلر فراری و متغیب عد اولنہ میه جغندن خلافتہ قرار ویرلی وولز و مستلزم نقضدر .

تجاردن پانده لاکی افندینک استحصال ایلدیکی پساپورطله اوروپايہ عزیمت وعودت ایتش اولدینی اوراق مبرزه و پولیس مدیریتدن واقع اولان اشعار رسمیدن آکلاشلمش اولدیغندن فراری عد اولنہ میه جغنی جهتله مومی الیهک تحت تصرفده بولن اموال غیر منقولہ یه خزینہ مالیه طرفندن وقوع بولان مداخله نك منعه دأر استانبول محکمه اصلیه سی اوچنجی حقوق دأرہ سندن صادر اولان ۲۷ تاریخی و ۶۳۶۶ عددلی اعلام علیهنده اخیراً وفات ایدن مومی الیه پانده لاکی افندی وره سی جانبندن تصحیح قرار عر ضحالی و اوراق متفرعه سی معاً تدقیق و مطالعه و ایجاب کیفیت مذاکره اولندقدہ مومی الیه پانده لاکی افندینک ۳ حزیران ۳۳۸ تاریخنده علی الاصول اقامتکاه ارأه ایدهرک استانبول حکومتندن آلدینی پساپورطله اوروپايہ عزیمت و اوچوز اوتوز طقوز سنه سنده کنلک اصولاً آلدینی پساپورطله استانبوله عودت ایلدیکی استانبول پولیس مدیریتنک اشعار و مبرز پساپورط مندرجاتیله متحقق بولنسنه نظراً فراری عد ایدله میه جگنه مبنی حکم مذکورک تصدیق مقتضی ایکن دأرہ جه نقضه قرار ویرلدیکی آکلاشلمش و بناءً علیه تصحیح قرار استدعا نامه سنده مندرج اعتراضات وارد و سبب قانونی یه مستند بولنمش اولدیغندن استدعای مذکورک قبولیه نقض قرارینک رفعنه و دیوزیتو آچهنسک مستدعی تصحیحه اعاده سنه متفقاً قرار ویرلدکن صکره حکم تمیزه حقنده تدقیقات تمیزیه لدی الاجرا مومی الیه پانده لاکی افندینک استانبولدن ممالک اجنیه یه عزیمت و تکرار استانبوله عودتی بالاده بیان ایلدیکی وجهله علی الاصول آلدینی پساپورطله وقوع بولش اولسنه نظراً فراری و متغیب عد ایدله میه جگندن و بناءً علی ذلک لایحه تمیزیه ده سرد ایدیلن اعتراضات بحا کوریه مدیجسندن ردیه موافق اصول و قانون اولان حکم تمیزهک تصدیقته و بوجه زیر مصارف تمیزیه نك مستدعی تمیزه عأدیتنه ۶ تشرین ثانی ۹۲۷ تاریخنده متفقاً قرار ویرلدی .

حکمة تمیز برنجی حقوق دأره سنده :

عدد ۵۸۱ . $\frac{۷۷۴۷}{۷۲۸۵}$

مهره : ۱ — حادثه فائض اعطای مشروط اولادینی ومعامله واقعه قرض ماهیتند بولنادینی جهت نه مقدار فائض تحصیل ایدیه چکنک حکمه درجی ایجاب ایدر .

۲ — اعضادن بر ذات هیئت حاکمه میانده بولندینی حالده ضبطنامه وفقره حکمیه نک امضاسندن عاری بولنی مخالف قانون اولدیندن نقضی مستلزمدر .

برنو شرکتنک استانبولده یکی پوسته خانه آرقه سنده عاشر افندی سوقاغنده واقع مغازه سنده مقیم مانیفاطوره تجارتندن واهرام سبوحیان افندی ذمتنده وعده سی حلول ایتمش اوچ قطعه امره محرر سند موجبجه آلهجفی اولان یتش درت بیک یدیوزاتوز ایکی لیره آلتی ساقیمک طوتاری اولان آلتی بیک اوچ یوز یکرمی بنس تورک لیراسی واتوزبنس غروشک مع فائض تحصیلی حقنده اقامه اولنان دعوانک جریان ایدن محاکمه سی نتیجه سنده دینک ذمته تاریخ ترتبده کی رایحه کوره حساب ایدلسی حقنده کی اعتراضک ردی قرار کیر اولدقدن صکره مدعا بهک پروتستو تاریخندن اعتباراً مع فائض نظامی مدعی علیهدن تحصیلی ایلهمدعی به اعطاسنه متدأر استانبول محکمه اصلیه سی برنجی تجارت دأره سندن صادر اولان ۲۵ مایس سنه ۹۲۷ تاریخ و ۲۶۳ عددلی اعلامک ایضاحات شفاهیه لیرینک اخذی صورته تمیزاً تدقیق واهرام سبوحیان افندی طرفندن طلب واستده اولمغله یوم معینه طرفین دعوت قانونیه به رغماً کدکلری کبی برر وکیل قانونی دخی کوندرد مدکلرندن غیابلرنده تدقیقات تمیزیه اجراسی قرار کیر اولدقدن صکره وقتک عدم مساعدنه سنه بناء تدقیقات لازمه اجراسیه بو باده بر قرار اتخاذهنک فردایه یعنی ۴ کانون اول سنه ۹۲۷ تاریخه مصادف بازار کونه تعلیقته ۳ کانون اول سنه ۹۲۷ تاریخه قرار ویرلمشدی . تعلیق قلنان کونده اولباده کی اوراق دعوی سراپا مطالعه و تدقیق ایدل کدن صکره ایجاب کیفیت مذاکره اولندقدن یکی تجارت قانوننک ۵۶۶ نجی ماده سی موجبجه محل تأدیبه رایج اولمایان بر آچه ایله لازم التأدیبه اولان پولیچه بدلی خلافتنه بر شرط اولمادجه طلب اولن بیلجه کی کونک رایحه کوره محل تأدیبه ده متداول آچه ایله اجرا اولنجهغه وقانون مذکورک شکل تطبیق حقنده کی قانونک اونجی ماده سنک صوک

قره‌سی ایجابنه کوره ۵۶۶ نجی ماده حکمی یکی قانون زماننده وعده‌سی حلول ایدن بو مثللو پولیچه‌لرده شامل بولنسنه بناءً بو جهته متعلق اعتراض وارد بولنماش ایسه‌ده حادثه‌ده قائلض اعطاسی مشروط اولمادینی ومعامله واقعه قرض ماهیتده بولنادینی جهته نه مقدار قائلض تحصیل ایدیه چکنک فقره حکمیه‌ده عدم درجی واعضادن جیل بک محاکمه‌ده هیئت حاکمه میاننده بولنمش اولدینی حالده ضبطنامه وفقره حکمیه‌نک مومی الهک امضاسندن عاری بولنمشی مخالف قانون اولدیغندن نقضنه ۴ کانون اول سنه ۹۲۷ تاریخنده متفقاً قرار ویرلدی .

محکمہ تمیز برنجی مقومہ دائرہ سندھ :

۸۶۱۵ اساس، ۷۶۷۱ قرار

مقدمہ : ۱ — مانا محکمہ جریان ایدن محاکماتی ناطق ضبطنامه هیئت حاکمه طرفندن امضا ایدلیمکندن دولای کان لم یکن عد ایدلیمکی حالده محکمہ مذکورہ کشف حقنہ اتخاذ ایدیلن قرار اوزرینہ ویریلان راپورک قبول اولنسی .

۲ — اهل وقوفک جله‌سی طرفینک اتفاقیه انتخاب و اتفاق ایدمه‌دکاری تقدیرده جانب محکمہ دن انتخاب و تعیین لازم کلرکن خلافنده انتخاب ایدلش اولان اهل وقوف راپورینک معتبر عد ایدلشی مخالف قانوندر .

۳ — کذلک فقره حکمیه‌ده طرفینک کافه مدعیات ومدافعاتک اسباب رد وقبولی آیری آیری درج ایدلشی ایجاب ایدر . خصوصات مذکورہ‌ده عدم رعایت یولسز وقضی مستلزمدر .

غلطه‌ده چنیل ریختیم خاننده دردنجی قاتده برنومرولو دائرہ‌ده مقیم قازہ ز وشرکاسنک غلطه‌ده آطه خاننده ۶ نومرولو یازیخانہ‌ده مقیم اسعد پاشا علیہنه کلیولی جوارنده دوغان آرسلان ساحلنده قرہ‌ده اوطوران فیومہ واپورینک حواله‌سنی لیو ایتک اوزرہ برقطعه نول مقاوله‌سی موجبہ سکز کون مدت و سکز یوز لیرا اجرت تسمیه سیله مدعی شرکتک استیجار ایتش اولدقلری اسعد پاشانک متصرف بولدینی نیل سفینه‌سی محل مذکورہ جر ایدیلرک نقل اولنمش ایسه‌ده سفینه مذکورہ خدمت مذکورہ‌ده نیل سفینه‌سی ایفایه غیر صالح اوله‌جق بر صورتده صو یابدینی کورلش اولدیغندن عقدک فسخبله نوله محسوباً ویرمش اولدقلری درت یوز لیرا ایله نیل سفینه‌نک مرمرہ‌ده و اورادن استانبوله جری

ایچون صرف ایدلکری درت یوز لیرانک وسائر ضرر وزیانلیرنک مع فائض تحصیلی طایبله اقامه ایدلکری دعوی ایله اسعد پاشا طرفندن بالمقابله قازهز و شرکاسی علیهنه بر موجب مقاوله ایجار اولتان نیل سفینه سنک بدل ایجار مقطوعه سندن درت یوز لیرا ویومی اللی بش لیرادن ایام متأخره اجرتی اوله رق یدی یوز اون بش لیرا وسفینه ایقاع اولتان خسار بدلی اوله رق بیک ایکی یوز قرق بش که جمعاً ایکی بیک اوچ یوز آلتش بحق لیرانک شرکت مذکوره دن مع فائض اجرای موقته تحصیلی حقنده اقامه ایدیلان دعوانک توجیداً جریان ایدن محاکمه سی نتیجه سنده دعوی مقابله مدعی اسعد پاشانک سکر کونلک بدل ایجاردن درت یوز لیرا و مأجور سفینه نک استانبوله اعاده سنه قدر کچن اون اوچ کون مدت ایچون بر موجب مقاوله یومی اللی بشر لیرادن یدی یوز اون بش لیرا و مأجوره ترتب ایدن خسار بدلدن اوچ یوز اون بر لیرا و اشیای ضایعه بدلدن اوچ یوز اللی لیرا که جمعاً بیک یدی یوز یتش آلتی لیرادن عبارت اولدینی ثابت اولسنه بناءً مبلغ مدعابه بیک یدی یوز یتش آلتی لیرانک تاریخ استدعادن اعتباراً مع فائض نظامی قازهز و شرکاسی شرکستدن بالتحصیل مومی الیه اسعد پاشایه اعطاسنه و ایام معطله اجرتی اسعد پاشا آتی به تعلیق ایتش اولسنه مبنی بوجهت حقنده اتخاذ قراره محل اولمادیغنه و اسعد پاشانک فضله ادعاسنک و مدعی قازهز و شرکاسنک مدعیاتی ثابت اوله مدیغسندن اساس دعواسنک ردینه متدائر استانبول محکمه اصلیه برنجی تجارت دائره سندن صادر اولان ۲۶ نیشان سنه ۹۲۷ تاریخ ۲۲۹ عددلی اعلامک ایضاحات شفاهیهر لیرنک اخذی صورتیله تمیزاً تدقیق قازهز و شرکاسی طرفندن طلب و استدعا اولمغله یوم معین ده میز علیه اسعد پاشا اوراق میاننده موجود بر قطعه وکالنامه سنه استقداً وکیلی اسماعیل بک دائره کلوب میز قازهز و شرکاسی دعوت قانونیه به رغماً کدکلی کبی بر وکیل قانونی دخی کوندر مدکلرندن غیابلرنده تدقیقات تمیزیه اجراسنه بالشروع میز علیه وکیلی مدت تمیزیه حقنده بر دیه جکی اولمادیغنی لدی السؤال افاده اللمسی اوزرینه تمیز استدعاسنک مدت قانونیه سی ظرفنده اعطا ایدلدیکی بالتدقیق آکلاشلغمغله حاضر بولتان وکیل مومی الیهک اساس حقنده لایحه سی مندرجاتنه دائر ایضاحات شفاهییه سی استماع واولباده کی اوراق دعوی و تمیزیه سرایا مطالعه و تدقیق ایدلدکدن صکره ایجاب کیفیت مذاکره اولدقده : بو خصوصه دائر ملغا تجارت بحریه محکمه سنده جریان ایدن محاکماتی ناطق ضبطنامه هیئت حاکمه طرفندن امضا ایدلدیکسندن طولانی کآن لم یکن عد ایدلدیکی حلاله

محكمة مذكوره چه سفینهك كشی حقنه اتخاذ ایدیلان قرار اوزرینه ویریلان راپورك برنجی تجارت محكمه سنجه قبول اولنسی مخالف قانون اولدیگی کبی مذکور راپوری اعطا ایدن اهل وقوفك جمله سی طرفینك اتفاقیله انتخاب اولنق و امر انتخابده اتفاق ایدمه مدکوری تقدیرده جانب محكمه دن انتخاب وتعیین قلمق لازم کلورکن بو لازمه قانونیه خلافده انتخاب ایدلمس اولان اهل وقوف و راپورینك معتبر عد ایدلمسی مخالف قانون ومستلزم نقض اولدیگی کبی فقره حکمیه ده طرفینك کافه مدعیات ومدافعاتنك اسباب رد وقبولی آری آری درج ایدلمسی احجاب ایتدیگی حالده فقره حکمیه نك بو وجائب قانونیه دن معری بولنسی دخی حکم لاحقك کأن لم یکن عد ایدلمسی موجب اولدیغدن حقوق اصول محاکمه لری قانوننك درت بوزیکرمی سکرنجی ماده سنك فقره مخصوصه سی موجبجه حکم مذکورك نقصنه و کیفیتك نقض واقع دائره سنده مقتضاسی ایفا ایدلمك اوزره اوراقك محله اماده سنه ۲۴ کانون ثانی سنه ۹۲۷ تاریخنده متفقاً قرار ویرلدی .

محكمه تمیز برنجی حقوق دائره سنده :

۷۶۳۵

۶۵۱۸

مقدمه : مدعی شرطه رعایت ایتدیگی حقنه کی ادعاسی اثبات ایلدیگی تقدیرده بر موجب مقاوله نامه تضمیناتك ده تحت حکمه آلنسی اقتضا ایدرکن بونك خلافده قرار ویرلسی مخالف قانون ومستلزم نقصدر . بک اوغلنده دوعری یولده س . غ شوقوف افندیك بیکده موسقویت غازیونسنده مستأجر ق . پتریدیس افندی علیه بینارنده منعقد مقاوله یه عدم رعایتدن دولایی صاتیش بدلندن ذمتنده آلاجنی اولان غیراز استیفا یوز آلتش ایکی بچق لیرا مطلوبی ایله بر موجب مقاوله نامه بشیوز لیرا تضمینات مقطوعه نك معاً تحصیل و مقاوله نك فسخی طلیله اقامه ایلدیگی دعوانك اجرا قلسان محاکمه سی نتیجه سنده مدعی علیه یمك بدلرندن توقیفات اجرا ایتك صورتیه مدعینك مطلوبی ذمتنه کچیردیگی کبی مدعیده کشیده ایلدیگی پروتسو ایله عقدی فسخ ایتش اولدیغندن طرفینك یکدیگرندن تضمینات طلبنه حق اولمادیغه و عقدك فسخیله مقرر اولان یوز آلتش ایکی بچق لیرانك پروتسو تاریخندن اعتباراً مع فائض نظامی مدعی عایه دن بالتحصیل مدعی یه اعطاسنه وفضله ادعانك ردینه ومضارف

محاكمه كك نسبت دائره سنده طرفينه عايدقنه متداثر استانبول محكمه اصليه سى برنجى تجارت دائره سندن صادر اولان ۳۰ تشرين ثانى سنه ۹۲۶ تاريخ و ۹۰۴ نومرولو اعلامك تميزاً تدقيقى موسى اليه س. غ شوقوف افندى طرفندن اصولى دائره سنده استدعا اولمقله اوراق دعوى مع تفرعات تدقيقى و مطالعه و ايجاب كيفيت مذاكره اولندقدقه: مدعى شرطه رعايت ايتديكى حقدقه كى ادعاسى اثبات ايلديكى تقديرده بر موجب مقاوله تضمينانك ده تحت حكمه آلتمسى اقتضا ايدر كن مجرّه مقاوله نامه ي فسخ ايتديكندن بحثله وجه محرر اوزره معامله ايفا و حكم اعطاسى مخالف قانون اولديغندن حقوق اصول محاكمه لرى قانوننك درتيوز يكرمى سكزنجى ماده سنك فقره اخيره سى موجبجه حكم ميز بهك نقضنه ۱۹ تشرين اول سنه ۹۲۷ تاريخده متفقاً قرار و يرلشدور.

محكمه تميز برنجى حقوق دائره سنده :

عدد - ۶۷۵ - ۸۶۴۶
۷۱۰۰

- مهر ص: ۲ — خسارات بحريه ده مدت قانونى طرفنده پروتسو كشيده اولمادىنى و بناء عليه دعوانك مسموع اوله ميجنى جهتك عدم تحقيق مخالف قانوندر .
- ۲ — محل مصادمه خصوصنده طرفين اختلاف ايتكارى حالمه اختلافك كشفاً حلى ايجاب ايدر .
- ۳ — كشف راپورنده مدعينك كوسترديكى خسارك اوج يوز يتمش بش ومدعى عليهك كوسترديكى خسارك يوز يكرمى بش ليرا ايله قابل تعمير اولدينى بيلد يرلش وشو جاله كوره بدل تعميردن يال كز ريسنه حكم ايدنك لازم كلور كن وجبى كوسترل سكز ين هر ايكي بدلك مجموعه حكم اولتمسى .
- ۴ — فقره حكميهك هيئت حاكمه دن بر ذاك امضاسندن عارى بولتمسى يولز مستلزم نقضدر .
- على نهاد بلك تحت تصرفنده و شكرى قيودانك اداره سنده بولتان لاتير دوبه سى قره كوى كوبريسنك دوبه سنه چاربه رق آلتى يوز ليرا ايله قابل تعمير ضرر و خسار ايقتاع ايتلش اولديغندن مبلغ مذكورك تحصيلي طليله شهر اماتى طرفندن اقامه اولتان دعوانك اجرا قلنان محاكمه سنده اهل وقوف جانبندن و يريلان راپور خسارك مصادمه دن متولد بولندينى مثبت بولمسنه بناءً مجموع خسارات بدلى اولان بش يوز ليرانك مدعى عليهلردن بالتحصيل مدعى به اعطاسنه و فضله ادعانك ردينه دائر استانبول محكمه اصليه برنجى

تجارت دائره سندن صادر اولان ۲۰ حزينان سنه ۹۲۷ تاريخ و ۳۴۵ نومرو اعلامك
تميزاً تدقيقى اصوله توفيقاً على نهاد بك و شكرى قبولدان طرفلرندن استعدا اولمغله
اعلام مذكور اوراق تميزيه و حكميه ايله معاً تدقيق و مطالعه و ايجاب كيفيت مذاكره
اولندوقده : انساى محاكمده مدت قانونيهسى طرفنده شهراماتى طرفلرندن على نهاد بكه
بروتستو كشيده اولماديني و بناء عليه دعواسنك مسموع اوله ميه جغنى دفعاً درميان ائتمسه
نظراً محكمه جه بوجهنك دخى تحقيقاتى لازم كلورك كن ايدلمهسى و محل مصادمه خصوصنده
اختلاف ايدلكلى و اختلافك كشفاً دخى حل ايدلمديكى جهته اول امرده محل مصادمه نك
على الاصول تحقيقاتى لازمدهن ايكن بوندن ذهول ايدلمديكى كجى كشف راپورنده مدعينك
ارائه ايدلمديكى خساراتك اوچيوز تيمش بش ليرا و مدعى عليهك كوسترديكى خسارك يوز
يكرمى بش ليرا صرفيله قابل تعمير اولدينى بيلديرمش و شو حاله كوره بدل تعميردن
يالكلز بريسه حكم ايدلمك مقتضى بولنش ايكن وجهى كوسترلكسرين هر ايكن بدلك
مجموعه حكم اعطاسى مخالف قانون و فقره حكميه نك هيئت حاكمه دن برذاتك امضاسندن
عارى بولنسى قانوناً مطلوب و ثوقى مغل بولنديغه مبنى حقوق اصول محاكمه لرى قانوننك
۴۲۸ نجى مادهسى موجبجه حكم ميزه نك اسباب مذكوردهن دولايى نقصنه ۲۴ تشرين ثانى
سنه ۹۲۷ تاريخنده متفقاً قرار و يرلدى .

استانبول اريغجى محرقه محكمه سنده :

$$\frac{927}{1650} \text{ و } \frac{928}{15}$$

ملاحظه : زوجك زوجيني خانه سندن قومسى و قيوبي قيامى هر ايكنى طرف آرمهنده منافرت حصوله
و زوجك زوجهنده مسافرلى مواجهه سنده دولانديريغجى خيله كار سكا اعتماد يوقدر كجى سوزلرله تحقير
ايلسى ميانلرنده شدتلى كچمسزلك و قوعنه بارز دليل تشكيل ايدز .

موكلهسى باقىر كوئنده مقيمه (م) خانمك زوجى پانغالتي ده مقيم (ا) بك قوجالق
حقوقه رعايت ايتمديكى كجى موكلهسىنى بر اقوب از ميره صاووشدينى و اساساً اوتندن
برى هر وسيله ايله كچمسزلك احداث ايدرك حيات مشتركه نى چكلمز بر حاله
كثيرديكندن بوشانمه حكمنك اعطاسى و اتفاق و اعاشه خصوصنك تأميينى ايجون مستعجلاً
تداير اتخاذاى و مصارف محاكمه و اجرت و كالتك طرف خصمه تحميلي طليله مومى اليها

م خانم و کیلی آوقات عثمان نوری بکک مومی الیه بک علیهنه استانبول محکمہ اصلیه اوچنجی حقوق داره سنده اقامه ایلدیکی دعوانک رئیس و کیلی عاصم، اعضا توفیق طارق و اعضا ملازمی رجائی بکلردن متشکل هیئت حاکمه طرفدن اجرا قلنان محاکمه سی نتیجه سنده هر نه قدر مدعی علیه و کیلی کچمسز لکه دائر برکونا سبب حقیقی موجود اولمادیغنی بیان و دعوی مذکورنک ردینی طلب ایتمکده ایسه ده مدعی علیه زوجہ سی برلکده مقیم بولندی خانهدن طرد و زوجہ مومی الیهام خانمی اویون ائسانسده و مسافرلر مواجهه سنده تحقیر ایلدیکی شهود مستمعنک شهادتندن متحصل قناعتله ثابت اولسنه و طرفینک موقع و سوبه اجتماعیه لرینه نظراً احوال مذکورنک بوشانمیه بی موجب بولمنسنه مبنی قانون مدینک ۱۳۴ و ۱۳۸ نجی ماده لری موجبجه اولیلک برلکنک بوشانمیه انقلابه و مدعی وکیلنک تضمینات ادعاسندن صرف نظر ایلدیکنی بیان ایتمش اولسنه بناءً بوبابده اتخاذ قراره محل اولمادیغنه و بیک درت غرورش مصارف محاکمه نک مدعی علیه طایفته قابل تمیز اولق اوزره ۸ کانون ثانی سنه ۹۲۸ تاریخنده اتفاقله قرار ویریلهرک علی الاصول تفهیم قلندی .

محکمہ تمیز ایلنجی مقرونه وارده سنده :

۶۷۷
۵۰۰

ایجابی مذاکره اولندوقده : مدعی مزبورده (م) خانمی مدعی علیه مومی الیه (۱) بکک از میره کیده چکی ائشاده عائله و برلک یوواسندن طرد و قبولری سده ایلدیکی مبرز کاتب عدل راپوری الیه تبین ایتمش و بوطرد کیفیت حسن نیتله اولمایوب هر ایکی طرف آراسنده منافرت حصولدن ایلری کلدیکی مدعی علیه مومی الیهک تحت اقرارنده اولان مبرز ۱۵ تموز سنه ۹۲۷ تاریخنده قائم پدری (ح) بکه خطاباً یازدیغنی مکتوب مفادندن آکلاشلمسنه و مدعی علیه مومی الیهک خانهدن کی مسافرلری مواجهه سنده مدعی مزبورده بی (دولاندریجی حیلہ کار سکا اعتماد یوقدر) کی سوزلرله تحقیر ایلدیکنک مرتبه ثبوت و اصل اولسی میانه لرنده شدتلی کچمسز لکنک حصوله بارز دلیل تشکیل ایتمسنه مبنی لایحه تمیزیه محتویاتی غیر وارد اولدیغندن ردیه موافق اصول وقانون اولان حکم تمیزیه مذکورک حقوق اصول محاکمه لری قانونک ۴۳۸ نجی ماده سی موجبجه تصدیقته و بوجه زیر مصارف تمیزیه نک مستدعی تمیزدن اخذینه ۵ شباط سنه ۹۲۸ تاریخنده قرار ویریلهرک اوراق وارده قریطایله برلکده محله اعاده قلندی .

محکمہ تمیز ایجنسی جزا دائرہ سندرہ :

اساس : ۱۰۲۷۴ ، قرار : ۱۶۰

مذہبہ : جرمک استلزام ایتنیکی نسبتده تحقیقاتک تعمیق ایدلمه می یولسز ومستلزم نقضدر .

یالان یرہ یمین ایتک ماده سندن طولای مفظون علیہ ادهم افندینک برائتته دائر استانبول اصلیه محکمہ می دردنجی جزا دائرہ سندن صادر اولان ۲۴ مارت ۹۲۷ تاریخلی قرارک تمیزاً تدقیق مدعی شخصی حاجی مختار کهنمونی وشرکاسی وکیل عمومیمی طرفندن مدت قانونیه می ظرفنده استدعا وشرائطی ایضا قلنمغله بالقبول تدقیقات تمیزیه اجرا اولندقدده هر نه قدر تبلیغنامه ده مذکور قرارک تصدیق طلب ایدلمکده ایسه ده جرمک استلزام ایتنیکی نسبتده تحقیقاتک تعمیق ایدلمه می یولسز کورلش وبو اعتبارله تمیزاً مسرود اعتراضلر وارد بولنش اولدیفندن تمیزیه قرارک حقوق شخصی نقطه سندن نقضه واوراقلک محله و تمیز جزای نقدینک مستدعی به اعاده سنه و ۴۰۰ غروش تمیز خرجتک ایلاروده حقسز چیقہ جق طرفندن تحصیله ۵ کانون اول ۹۲۷ تاریخنده قرار ویرلدی .

محکمہ تمیز ایجنسی جزا دائرہ سندرہ :

اساس : ۱۷۹۹ ، قرار : ۱۰۷۳

مذہبہ : حادثیه پولیسک مأموریتی حدودینی تجاوز ایدرک کیفی معاملات ایله سیبیت وروپ ویرمیکنک تثبیت ایدلمه می یولسز ومستلزم نقضدر .

ایفای وظیفه ده ضابطه یی تحقیر وفحشه تحریک ماده لرندن مفظون علیها محمد قیزی امینه نک جریان ایدن محاکمه می نتیجه سنده مزبور نک فحشه تحریکدن برائتته وتحقیردن قانون جزا نک ۲۶۶ نجی ماده سنک برنجی بندینه توفیقاً برآی حبسنه واتوز لیرا آغیر جزای نقدی اخذینه متعلق استانبول محکمہ اصلیه دردنجی جزا دائرہ سندن صادر اولان ۳ شباط ۹۲۷ تاریخلی حکم غلبینک عندالاعتراض تصدیقته دائر ویرلن ۲۲ شباط ۹۲۷ تاریخلی حکملرندن حکم اولک تمیزاً تدقیق محلی مدعی عمومیلکی طرفندن مدت

قانونیه سی ظرفنده استدعا قلنمغله بالقبول تدقیقات تمیزیه اجرا اولندقدمه هر نه قدر تبلیغنامه ده مذکور حکمک تصدیق طلب ایدلکده ایسه ده حادثیه پولیسک مأموریتی حدودینی تجاوز ایدرک کیفی معاملات ایله سببیت ووروب ویرمدیکنک تنبیت یدلمه سی یولسز کورلش و تمیزاً مسرور اعتراض بوصورتله وارد بولش اولدیغندن تمیزیه حکمک نقضنه واوراقک محله اعاده سنه ۳ مارت ۹۲۸ تاریخنده متفقاً قرار ویرلدی .

حکمک تمیز برنجی حقوق دأره سندره :

۸۷۴۷
۷۲۸۶

مقدمه : محکمه مبرز قید صورتی احتوا ایدن دفترک تعریفات قانونیه موافق اولهرق طوتولوب طوتولادینی تحقیق و تدقیق ایدلکسزین مجرد قید صورته استناداً حکم اعطاسی مخالف قانون و مستلزم نقضدر .

استانبولده یوسفیان خاننده ۳۰ نومروده مقیم تجاردن نجیب بکک اغنام بدلندن بایرام اغا ذمتنده آلاجنی اولان بیک اوچوز سکان لیرا سکز غروشک تحصیلی طلبیه اقامه ایلدیکی دعوانک اجرا قلنان محاکمه سنده مدعینک مدعی علیه ذمتنده اولمقدار مبلغ مطلوبی اولدینی مبرز دفتر مندرجاتی وادا ایلدیکی یمینله ثابت اولدیغندن مدطابه مبلغک مدعی علیهدن بالتحصیل مدعی به اعطاسنه دأر استانبول محکمه اصلیه برنجی تجارت دأره سندن صادر اولان ۲۷ حزران سنه ۹۲۷ تاریخلی ۴۰۱۶ نومرولی اعلامک تمیزاً تدقیق اصوله توفیقاً مرقوم بایرام اغا طرفندن استدعا قلنمغله اعلام مذکور اوراق تمیزیه و حکمیه ایله معاً تدقیق و مطالعه وایجاب کیفیت مذاکره اولندقدمه : مدعی وکیل طرفندن محکمه به ابراز ایدیلان قید صورتی احتوا ایدن دفترک تعریفات قانونیه موافق اولهرق طوتولوب طوتولادینی تحقیق و تدقیق ایدلکسزین مجرد قید صورته استناداًوجه محرر اوزره حکم اعطاسی مخالف قانون اولدیغندن حقوق اصول محاکمه لری قانونسک ۴۲۸ نجی ماده سی موجبجه حکم تمیز بهک نقضنه و مقتضای قانونیسی ایفا ایدلک اوزره اوراقک محله اعاده سنه و بروجه زیر مصارف تمیزیه نک اتیان حقسز جیه حق طرفه عایدیته ۵ کانون اول سنه ۹۲۷ تاریخنده متفقاً قرار ویرلدی . ۷ مارت سنه ۹۲۸ تاریخلی ۱۶۶۵ عهدلی اعلامک صورتیدر .

محكمة تميز اورنجی جزا دائره سنده :

اساس : ۱۷۷۰۲

قرار : ۱۵۲۰

موضوع : حادثه جزا قانونك تاريخ مرعيتدن اول اقامه دعوى صورتيله اکتساب ايدلمش بر حق موجود اولسنه کوره قانون مذکورک يوز سکرنجی ماده سنک تطبيقی جائز اولوب اوله ميه جنکک تأمل اولناماسی يولسز ومستلزم نقضدر.

محلی مسکرات اداره سی طرفندن وقوعبولان تميز دعوا دن طولانی تدقیقات تميزه اجرا وایجابی مذاکره اولندقده : حادثه جزا قانونك تاريخ مرعيتدن اول ۹ حزیران سنه ۹۲۶ تاریخده اقامه دعوى صورتيله اکتساب ايدلمش بر حق موجود اولسنه کوره ۱۰۸ نجی ماده قانونيه نك تطبيقی جائز اولوب اوله ميه جنکک تأمل اولناماسی يولسز واعتراض بو وجهله وارد اولدیغندن قرار تميزه نك بر موجب تبليغنامه نقضه واورا قک عملته اعاده سنه ودرت يوز غروش نقض خرجنک ايلريده حقسز جيقه جق طرفندن استيفاسنه ۲۵ شباط سنه ۹۲۸ تاریخده متفقاً قرار ویرلدى .

محكمة تميز برنجی حقوق دائره سنده :

$\frac{۸۶۴۴}{۷۰۹۷}$

موضوع : ۱ — مدعا بهن بر قسمی شرط جزائی ماهيتنده اولدينى حاليه بو قسم حقنده ده قاض حکم ايدلمسى .

۲ — فائضك مبدأ جريانيله مقدارينك فقره حکميه ده اراده اولناماسی .

۳ — حکمک اسباب موجه دن عاری اولقله برابر استناد ايلديكى مواد قانونيه نك ذکر و بیان ايدلمه سی .

۴ — وکالتنامه ایچون کوستربان مصرف سبينك ايضاح قلمناماسی يولسز ومستلزم نقضدر .

استانبولده آصمه آلتنده بيوك چقور خانده اون بر نومروده مقيم چوالجی تجار دن يوسف اسکندر بکک مدعى عليه صندجی حاجی محمد رضا افندی ذمتنده معلوم المقدار چوالک تسليمه مقابل قيارو اوله رق ویرديکی يوز آلتش وشرط عقد موجه بنجه بر منلی که جمعا اوج يوز يکرمی لبرانک مع فائض تحصيله متدائر استانبول محکمه اصلیه سی برنجی تجارت دائره سندن صادر اولان ۲۲ حزیران سنه ۹۲۷ تاریخ ۳۷۲ نومرولو اعلامک تميزاً تدقیق مومی اليه حاجی محمد افندی طرفندن طلب و استدعا اولنقله مذکور اعلام

اوراق تمیزیه و حکمیه ایله معاً تدقیق و ایجاب کیفیت مذاکره اولندوقده : مدعا بهدن بر قسیمی شرط جزائی ماهیتند اولدینی حالده بو قسم حقنده فائضه حکم ایدلمسی و فالضک مبدأ جریانیله مقدارینک فقره حکمیه ده ارايه اولنمامسی و حکمک اسباب موجبندن عاری اولغله برابر استناد ایلدیکی مواد قانونیه نك ذکر و بیان ایدلمسی و اوچیوز قرق تاریخی اولدینی ضبطنامه محرر و کالتنامه ایچون اوچیوز اون سکرغروش مصرف کوستلمسی سینک عدم ایضاحی مخالف قانون و اعتراضات تمیزیه بواعتبارله وارد و بجا بولمئس اولدیغندن حقوق اصول محاکمهری قانونک ۴۲۸ نجی مادهسی موجبنجه نقصنه ۲۲ تشرین ثانی ۹۲۷ تاریخنده متفقاً قرار ویرلدی .

محکمہ تمیز برنجی مقور دأره سندره :

۷۸۳۳
۶۶۷۳

مهرصه : طرفینک بشقه بر دیه جکری اولوب اولادینی صورولقسزین ختام محاکمک تفهیمی یولسز و مستلزم نقضدر .

بک اوغلنده یشیل سوقاقده اسکیشهر آپارتماننده مقیمه مادام آندره نیرانک آنقره ده انقره قلوبی مؤسسی مذکور قلوبده مقیم محی الدین بهابک علیه اقامه ایلدیکی آلاچق دعواسندن دولایی یکریمی بریک آلتی یوز اوتوز آلتی لیرانک تحصیلی ضمتنده استحصال ایلدیکی اعلام غیابینک عندالاعتراض تصدیق متضمن استانبول محکمه اصلیهسی برنجی تجارت دأره سندندن صادر اولان ۱۹ نیسان سنه ۹۲۷ تاریخی و ۲۰ عددلی اعلامک تمیزاً تدقیق مومی الیه محی الدین بک و کیلی طرفندن اصول دأره سندنه استدعا اولغله مع تفرعات تدقیق و مطالعه و ایجاب کیفیت مذاکره اولندوقده : مهرز سند حقنده تمیزاً سرد ایدیلان اعتراض وارد کلسده طرفینک بشقه بر دیه جکری اولوب اولادینی صورولقسزین ختام محاکمک تفهیمی ایله بروجه محرر اتخاذ قرار اولنمسی مخالف قانون اولدیغندن حقوق اصول محاکمهری قانونک ۴۲۸ نجی مادهسینک فقره مخصوصهسی موجبنجه حکم تمیز بهک بو سببله نقصنه و کیفیتک نقض واقع دأره سندنه مقتضاسی ایفا اولنق اوزره اوراقک محله اعاده سنه و بروجه زیر مصارف تمیزیه نك ایلروده حقسز چیقہ جق طرفه عایدیتنه ۳۰ تشرین اول سنه ۹۲۷ تاریخنده متفقاً قرار ویرلدی .